











SIXTVS PAPA V.

Ad perpetuam rei memoriam



DV M. ineffabilia meritorum insignia, quibus Dei Genitrix Beata Virgo Maria Regina celorum gloriosa sedibus prelata fydereis, tanquam stella matutina praeutilar, deuote considerationis indagamine pericrutamur, & intra arcana pectoris reuoluimus, quod ipsa, utpote mater misericordiae, mater gratiae, & pietatis, humani generis amica, & consolatrix, pro salute fidelium; qui delictorum culpa praeuuantur, sedula exoratrix, & peruigil ad Regem, quem genuit, & maternis lactauit ubribus intercedit dignum, quin potius debitum arbitramur, ut Ecclesias, & Capellas, ac Confraternitates, in eius honorem erectas, & institutas gratiosis remissionum prosequamur impendij, ac indulgentiarum muneribus decoremus, ac per Romanos Pontifices praedecessores nostros, eisdem constitutis concessas indulgentias, & priuilegia, nostrae approbationis munimine robaremus, easque innouemus, prout salubrius cognoscimus ex pedire. Attendentes itaque quam Religioni nostrae fructuosum fuerit sanctissimi Psalterij Ro-

aliquo

A. farij

ſarij nuncupati, glorioſa ſemperque virginis Mariæ, Almę Dei geni-
tricis inſtitutum, per beatum Dominicum Ordinis Fratrum Prædi-
catorum auctorem, ſpiritu ſancto, vt creditur, aſſatum, excogitatu:
quantaque exinde mundo prouenerint, & indices proueniant bona,
& quod propterea vtriuſque ſexus Chriſti fidelium confraternita-
tes, ſub inuocatione Roſarij eiufdem beatę Marię virginis in di-
uerſis Orbis Eccleſijs, ac capellis, & altaribus canonicę inſtitutz,
earumque confratres, ac ſorores, a quam plurimis, & præſertim ſœ-
lis recordationis Vibano iiii. & Ioanne xxi. ac Sixto etiam iiii.
necnon Innocentio viii. & Alexandro vi. ac Iulio ii. & Leone x. ac
Adriano vi. & Clemente vii. & Paulo iii. ac Iuſto etiam iii. ac Paulo
iiii. & Pio etiam iiii. ac Pio v. & poſtremo Gregorio xiii. Romanis
Pontificibus prædeceſſoribus noſtris, ac nonnullis ſedis Apoſtoli-
cę cum poteſtate legati de latere Nuncijs, ne dum confirmationem
& augmentum earundem confraternitatum, ſed etiam indulgen-
tias, ac priuilegia, & indulta merito obtinere meruerint. Nos dicto-
rum prædeceſſorum veſtigijs inhaerendo, ac eodem quo ipſi præde-
ceſſores noſtri deuotionis affectu diuinitus excitati, necnon dilecti
filij noſtri Michaelis tituli Beatę Marię ſuper Mineruam preſby-
teri Cardinalis Alexandrini nuncupati ſupplicationibus inclina-
ti, ſingularum litterarum prædictarum tenores, & formas præſenti-
bus pro ſufficienter expreſſis, & inſertis habentes, omnia & ſingu-
la priuilegia, immunitates, & exemptiones, conſeſſiones, indulta,
indulgentias, etiam plenarias, & peccatorum remiſſiones, ac relaxa-
tiones omnibus & ſingulis confraternitatibus dicti Roſarij vbicum-
que terrarum canonicę inſtitutz, earumque confratribus, & ſorori-
bus tam per dictos prædeceſſores noſtros, & ſedem prædictam, ſeu
illius Noncos cum poteſtate legati de latere, conceſſa, elargita, &
confirmata, ac cum omnibus, & ſingulis in eis contentis clauſulis
deſuper conſectas litteras prædictas, & vniuſcuſque oraculo, aut alias
quomodolibet emanatas, auctoritate apoſtolicę tenore præſentium
perpetuo confirmamus, & approbamus, illaque omnia & ſingula,
prout per ipſos prædeceſſores noſtros, & alios prædictos conceſſa
ſuerunt, perpetua firmitatis robur obtinere, ac inuiolabiliter obſer-
uari debere decreuimus, omneſque & ſingulos tam iuris, quam ſa-
crę deſectus, ſi qui ſortiti interuenierint, in eiſdem ſupplemus. Et po-
tiori pro cautela omnes & ſingulas indulgentias etiam plenarias, &
peccatorum remiſſiones, ac relaxationes, exemptiones, facultates,
conſeſſiones, aliaque priuilegia, & indulta prædicta omnibus & ſin-
gulis confraternitatibus dicti Roſarij in quibuſvis Eccleſijs & ca-
pellis

pellis, ac altaribus vbicunque terrarum canonicè erectis, earumque
 Confratribus & sororibus, necnon officialibus & ministris eisdem
 modo & forma, quibus per eosdem prædecessores nostros, & dictæ
 sedis nuncios concessa fuerunt, dicta auctoritate apostolica de no-
 uo concedimus, & innouamus, ac omnibus & singulis Confrater-
 nitatum Rosarij huiusmodi confratribus & sororibus, nunc & pro
 tempore existentibus suffragari debere, eosque illis perpetuo uti,
 potiri, & gaudere posse, decernimus, & declaramus. Et insuper vti
 omnibus & singulis dicti ordinis fratribus per Magistrum & Vica-
 rium generales dicti ordinis Prædicatorum, & eorum quemlibet
 pro tempore deputandis, in quibusvis Ciuitatibus, Oppidis, Terris,
 & locis vbicunque existentibus, vt in eorundem Prædicatorum, vel
 aliorum ordinum, monasteriorum, seu domorum ecclesijs, capel-
 lis, & oratorijs, & etiam in secularibus ecclesijs, in quibus nullæ con-
 fraternitates eiusdem Rosarij adhuc erectæ existunt, de superiorum
 & ordinariorum licentia confraternitates eiusdem sanctissimi Ro-
 sarij ad Dei, & eiusdem beatæ Virginis laudem, & gloriam erigere,
 & instituere liberè & licitè possint, & valeant, plenam & liberam li-
 centiam & facultatem dicta Apostolica auctoritate, tenore præsen-
 tium concedimus, ac postquam erectæ fuerint, vt omnibus & singu-
 lis priuilegijs, indultis, facultatibus, exemptionibus, immunitati-
 bus, concessionibus, indulgentijs etiam plenarijs, & peccatorum re-
 missionibus, ac relaxationibus, & gratijs quibusvis alijs eiusdè Ro-
 sarij Confraternitatibus, earumque confratribus, ac sororibus per
 prædictos, & quoscunque alios Romanos Pontifices, etiam præde-
 cessores nostros, ac etiam nos & sedem prædictam, eiusque Nun-
 cios, & etiam de latere legatos, hætenus quomodolibet concessis,
 ac concedendis, & quibus confraternitates huiusmodi, earumque
 confratres & sorores quomodolibet vtuntur, potiuntur, & gaudent,
 ac vti, potiri, & gaudere poterant quomodolibet in futurum paxifor-
 miter, & æque principaliter in omnibus & per omnia, ac perinde,
 ac si illis specialiter & expresse, ac nominatim concessa fuissent, vti,
 potiri, & gaudere liberè & licitè possint pariter concedimus, & in-
 dulgemus: ac priuilegia, indulta, facultates, exemptiones, immuni-
 tates, concessionibus, indulgentias etiam plenarias, vt præfertur, con-
 cessas, & concessas, ad ipsas Confraternitates erigendas, illarumque
 confratres & sorores pro tempore existentes perpetuo extendimus,
 & ampliamus. Vt autem animarum Christianissimorum confraterni-
 tatum tam erectarum, quam per fratres deputandos huiusmodi eri-
 gendarum, easdè confraternitates ingredi volentium spiritali con-
 sola-

orationi per amplius consulatur, De Omnipotentis Dei misericordia, ac beatorum Petri & Pauli Apostolorum eius auctoritate confissi, omnibus & singulis utriusque sexus confratribus singulatum confraternitatum Rosarii huiusmodi, tam hactenus erectarum, quam in posterum erigendarum, ut præfertur ubicunque nunc, & pro tempore existentibus, & in dictis Confraternitatibus pro tempore descriptis, & describendis, itinerantibus, vel nauigantibus, ac seruientibus totum Rosarium, infirmis vero, aut alias legitime impeditis tertiam eius partem, deuotè recitantibus, necnon temporibus debitis, & ab ecclesia statutis, confitendi, & communicandi firmiter propositum habentibus, qui capellam beatæ Mariæ Rosarii in ecclesia ipsius beatæ Mariæ supra Mineruam de Vrbe eiusdem ordinis prædicatorum institutam, vel alias ecclesias, seu capellas ubicunque dicta confraternitas canonice fundata fuerit, ijs diebus, quibus festa mysteriorum eiusdem Rosarii celebrantur visitare, & processioni, quæ prima Dominica cuiuslibet mensis fieri solet, interesse non poterint, plenariam omnium peccatorum suorum indulgentiam, & remissionem auctoritate & tenore prædictis concedimus, & largimur illisque omnes & singulas indulgentias, & peccatorum remissiones etiam plenarias alijs confratribus & fororibus capellas, seu ecclesias Rosarii huiusmodi dictis diebus visitantibus, ac dictæ processioni interessentibus specialiter, vel generaliter concessas, & in futurum concedendas, in omnibus & per omnia perinde ac si dictas capellas seu ecclesias dictis diebus personaliter visitarent, & processionibus huiusmodi interessent auctoritate & tenore prædictis communicamus, ac communicatas esse specialiter vel generaliter decernimus & declaramus. Quia vero difficile foret præsentem litteras ad singula quæcunque loca, in quibus expedire foret, deferri, volumus, & etiam apostolica auctoritate prædicta decernimus, quod earum transumptis etiam impressis, & manu alicuius notarii publici subscriptis, & sigillo alicuius personæ in dignitate ecclesiastica constitutæ, seu curiæ ecclesiasticæ munitis, eadem protus fides adhibeatur in iudicio & extra, quæ ipsis presentibus adhiberetur si forent exhibitæ, vel ostensæ. Non obstantibus constitutionibus & ordinationibus apostolicis, cæterisque contrariis quibuscunque. Datum Romæ apud sanctum Petrum sub anulo piscatoris Die 30. Ianuarii 1586. Pontific. nostro anno primo.

Io. Baptista Canobius.

Rome, Apud Hieronymum Antonij Bladij Impressorem Camerale. 1586.

220670

BIBLIOTECA
ROMA
VITTORIO EMANUELE







